

مجموعه سنون

از

جمعیت علمیه عثمانیه

ایکینسی پت

نومرو ۱۹

رجب

استانبول

جمعیت علمیه عثمانیه مطبعه سنده طبع اولنمشدر

۱۲۸۰

(خلاصہ پالیسیہ)

فرانسہ

اور و پادہ اخلاص اسایشی مؤدی اولہ بیلہ جک مسائل حلقہ ک
 بالذکر حلی مقصدیلہ فرانسه امپراطورینک دول سائرہ
 تکلیف ایلہ دینکی مجلس مکالمہ بی ایکجی و اوچجی مرتبده بولان
 دولتر بلا تردد قبول ایشلرایسده انکترہ دولتی قطعیا رد ایتدیک
 مثلوروسیه و اوستری و پروسیا دولتری مجلس مذکورده
 نہ مقولہ مسائل تذکر اولندحق و تہ قاعده و اساسہ تطبیقا حل
 ایدیلہ جکی خصوصنک اول امرده بیان و تعیین اقتضا ایدہ جکی
 بیان ایش اولملریلہ قرانسد دولتی مواد مذکورہ بی و بولنک
 صورت حلی کندوشی تعیین ایتک و بوجہلہ بین الدول حکماک
 صفتی حاضر اولمق ادعا سندہ بولمیبورالری مدعو اولان
 دولترک انضمام رای و موافقتہ متوقف اولد یقیندن قونقرہ
 مذاکراتہ اساس اتخاذ اولندحق موادک اول امرده بالتذکر
 قرار لشدیرلسی ضمنده امور خارجہ ناظر لرینی پارسہ ارسال ایلری
 حقندہ دول معلومدیہ تبلیغات رسمیدہ اجرا ایش و قونقرہ تشکیاتی
 اساساً قبول ایدن دولترک بونی دخی قبولده تردد ایتدہ جکری
 مجزوم ايسده اولابده تعطل و مخالفت کوسترن بیوک دولترک
 ایشو تکلیف ثانیہ بوجہلہ جواب و یردکری هنوز غزہ لرجه
 معلوم اولمیبورالری فقط سیاق حالہ نظراً بونک دخی بر فائده بی منتج
 اولمیدرق قونقرہ تصورینک بالکلیہ چورویہ جکی ملحوظ
 بولمیشدر

دائیمارقه

پکن الافرانقه کانون ٹائینک یکرمی برنده ممالک متفقہ جرماناتک
کافہ سندن وکیلار کله رک فرانقفورتنده عقد اولتان مجلس
مشورتنده هولشتاین و شلزویق دو قہ لقلرینک دائیمارقه دن
تفریق و المانیاده بر ملت مجلسی تشکیلی خصوصلرینہ قرار
و یریلوب بونلرک اجراسی ضمیمہ دخی فرانقفورتنده بر قومیتہ
تعینی تنسب اولمش و هولشتاین اہالیسی دخی دائیمارقه دن
آیرلق داعیہ سندن اولوب حتی پکنارده ملت مجلسندنہ مملکت
مذکورہ درقہ لغی ادعا سندنہ بولنان فریدریق اوغسٹنبورغ
نام ذاتک درقہ لغی تصدیق ایله برابر شو مقصدک حصولی
ضمنندہ ممالک مجتمعه مذکورہ دن استمداد ایلش اولغله بونک
اوزرینہ اوستریا و پروسیا و دیگر بعض المانیا حکومتلری طرفندن
یوریک آبدن مرکب براریدو ترتیب اولدرق دائیمارقه اوزرینہ
سوق اولمش و دائیمارقه قرالی دخی اسباب تحفظیہ تک استحصانہ
مبادرت ایلشدر . انکلترہ دولتی شو مسئلہ تک صورت مصححانہ
حلی آرزو ایتدیکندن اولبابده بین الدول بر مجلس مکالمہ تشکیلی
دول معظمیہ تکلیف ایلش ایسده علی العموم اوروپا مسائلک
حلی ضمیمہ فرانسہ تک وقوع بولان تکلیف معہودینی انکلترہ
ردایتش اولسنہ مقابلہ فرانسہ دخی بوابده مخالفت کوسترشدر .
بعض غزتلرک روایتہ کورہ اسوج دولتی دخی لدی الحاجہ
دائیمارقه یہ معاونت ایده جک ایلش .

موسم شتاده کرده عصات مواسم سائره کبی متاعب و مشاقه تحمل
ایده میدرك روسیه یه مقاو متدن عاجز اوله جقلزندن ایام بهاره
قدر روسیه لو حقارندن کله جکی عموماً ملحوظ اولدیغی حالده
تحقیقات آکیده یه نظراً موسم شتا لهلولزه برکون ایراث ضعف
وفتور ایتمکدن بشه ایوم عموم اهالی سلاح بدست عصیان
اوله رق اولکنسندن زیاده شدت و ثبات اظهار ایتمکده حکومت
خفیه لری کمال انتظام ایله اداره امور ملت اهتتام ایلکده در حکومت
مذکور نك امور بحر به ناظر لغی ادعا سنده بولسان موسیو
مانیان نام ذات طرفندن مؤخرأ نشر اولسان بر اعلات نامده کچن
کانون ثانی ابتدا سندن اعتبارأ روسیه بیراغی الشنده بولسان
هر درلو سفائن له حکومت ملیه سی سفائی طرفندن بلا سؤال
وجواب اخذ و ضبط اولنه جغی اشاعه و بیان قلمشدر حکومت
مذکور نك بومقوله حرکاته تشبیه ایده بیله جك سفائی اولدیغنه
کیسه نك معلوماتی یوق ایسه ده شو حاله نظرأ بر قاج سفینه
تدارك ایتمش و یا خود بعض قورصانلرله اتفاق ایلمش اولسی احتمالدن
بعید دکلدنر اشبو تهدیدك ایقاعنه لهلولزه قدرت اولسه بیله
هیچ اولز سه دشمن سفائی غنی خوف واحترازه دو شوره رك بعض
مرتبه اضرا رایده جکری درکار در

امریقا

ممالك مجتمعه امریقا ده محاربه داخلیه کمال شدتله دوام اوزره در
ارالقده مصالحه حوادثی شایع اولمقده ایسه ده اصلی چیقیمویوب

حتی ممالک شمالیه رئیس جمهوری پکنلرده تفوه ایلدیکی بر مقاله ده
مخابرات واقعده نوز اودرجه یه کلمه اش اولدیغدن شمدیلاک مصالحه
احتمالی یوقدر دیه رک اولبایده بیان مایوسیت ایلشدر . معلوم اولدیغی
اوزره بومقوله مخابرات داخلیه سائرینه مقبس اولوب طرفین
یکدیگری حقنده اشد صورتله معاملات خونریزانه ارتکاب
ایتدیکندن ایکی طرفک دخی نفوس و اموالجه دوچار اولدقلری
خسار بی حد و شمار دز . بعض اهل تحقیقک روابتنده کوره
الیوم شماللور خسته خانه لرنده اللی بیک خسته موجود اولوب
سکسان بیک آدم دخی مخابرات واقعده مجروح و سقط اولورق نقاعد
معاشی المغه کسب استحقاق ایلشدر . شماللوصا بطلرندن بریسی یدی
یوز قیه مقداری صالقم اثر بر طوب ایجاد ایدوب حکومت در عقب
بونندن اوچ قطعه اعمال ایتدیرمش و بونلرله برقاج ساعت ظرفنده
الکجسیم دشمن شهرلرینک تخریبی ممکن اوله جغنی غزه لری بالاقتحار
اعلان ایلشلا ایدی . بونلر پکنلرده بر محاربه ده استعمال اولندقدده
بریسی سکزیجی اتمده و دیگر اتفنجی و اوچنججیسی دخی دردنجیده
باطلوب استعمالنه مامور اولان عساکر کافه تلف ایلشدر .